

UNIVERZITET U TUZLI
Ul. Dr. Tihomila Markovića br. 1
Broj: 01-166-JN-9/24 LOT 1
Tuzla, 22.10.2024. godine

Na osnovu člana 69. stav (2) tačka d) i člana 70. stav (4) i (6) Zakona o javnim nabavkama BiH («Službeni glasnik BiH» broj: 39/14, 59/22 i 50/24) te člana 64. stav (1) tačka r. Statuta JU Univerziteta u Tuzli - prečišćeni tekst, a nakon razmatranja Zapisnika Komisije o pregledu i ocjeni ponuda broj: 01-166-JN-8/24 LOT 1 od 16.10.2024. godine po punomoći Rektorice Univerziteta u Tuzli broj: 01-1424-1/24 od 13.03.2024. godine, direktor za ekonomske poslove *donio je*

ODLUKU

o poništenju postupka javne nabavke

I

Poništava se otvoreni postupak javne nabavke elektroničke opreme za Medicinski fakultet - smart televizori (LOT 1) zbog činjenice da jedina primljena ponuda nije prihvatljiva.

II

Ova Odluka se objavljuje na internetskoj stranici Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

III

Ova Odluka stupa na snagu danom donošenja.

Obrazloženje

Univerzitet u Tuzli pokrenuo je otvoreni postupak javne nabavke elektroničke opreme za Medicinski fakultet - smart televizori (LOT 1), broj: 01-166-JN-1/24 LOT 1 i LOT 2 od 16.09.2024. godine, koji je objavljen na Portalu javnih nabavki, obavještenje broj: 795-1-1-115-3-111/24 od 23.09.2024. godine, a sažetak u „Službenim novinama BiH” broj: 65/24 od 27.09.2024. godine i WEB stranici Univerziteta.

U ostavljenom roku ponudu je dostavio ponuđač „NEXIS“ d.o.o. Sarajevo, te je izvršeno javno otvaranje ponuda što je konstatovano Zapisnikom sa otvaranja ponuda broj: 01-166-JN-7/24 LOT 1 od 11.10.2024.godine.

Komisija za javne nabavke, imenovana Rješenjem Direktora za ekonomske poslove broj: 01-166-JN-3/24 LOT1 i LOT2 od 16.09.2024. godine, izvršila je pregled i analizu dokumentacije priložene uz ponudu, u smislu njene validnosti u odnosu na postavljene uslove iz tenderske dokumentacije te dostavila Zapisnik o pregledu i ocjeni ponuda broj: 01-166-JN-8/24 LOT 1 od 16.10.2024. godine sa preporukom za poništenje postupka. Zapisnikom je konstatovano da ponuda ponuđača „NEXIS“ d.o.o. Sarajevo sadži sve dokaze zahtijevane tenderskom dokumentacijom, ali da ponudena oprema nije u skladu sa zahtijevanim minimalnim karakteristikama, zbog čega je ocijenjena nepravilnom. Tačnije, ponuđeni smart TV uređaj HISENS C1 ne ispunjava minimalne tehničke karakteristike kako slijedi:

- u obrascu za ponudu je traženo da se cijeli sistem (Stavka "Elementi sistema") sastoji od konzole i projekcionog platna/ekrana. U dostavljenoj ponudi uređaj HISENS C1 ne ispunjava zahtijevane kriterije jer ima samo konzolu koja vrši projekciju slike na neku slobodnu površinu i nema posebno projekciono platno/ekran;
- za stavku "Ozvučenje" je traženo da uređaj ima snagu od minimalno 30W dok ponuđeni uređaj ima snagu od 20W;

- ponudeni uređaj nema ugrađenog TV digitalnog i analognog tjunera što je zahtijevano tenderskom dokumentacijom i
- traženo je da uređaj ima minimalno 4 HDMI ulaza, dok ponudeni uređaj ima samo 2 HDMI ulaza.


Obzirom da je nakon evaluacije jedine primljene ponude utvrđeno da ista ne ispunjava propisane uvjete, zbog čega se smatra nepravilnom, to je Komisija jednoglasno predložila direktoru za ekonomske poslove da se postupak nabavke poništi u skladu sa članom 69. stav (2) pod d) Zakona kojim je definisano da je ugovorni organ dužan poništiti postupak javne nabavke u slučaju da nijedna od primljenih ponuda nije prihvatljiva.

Cijeneći izneseno Direktor za ekonomske poslove Univerziteta u Tuzli prihvatio je preporuku Komisije i odlučio je kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomira Markovića br.1.

DIREKTOR

ZA EKONOMSKE POSLOVE



Alden Osmanbegović, dipl.oec

DOSTAVITI:

- 1x učesniku
- 1x WEB portal
- 1x a/a